

15 hektar tanah diceroboh


Kawasan milik Kerajaan Negeri itu dibakar pihak tidak bertanggungjawab

BUKIT TAGAR - Bukan saja diceroboh tapi turut dibakar sehingga mengakibatkan kemusnahan besar.

Itu dakwaan terhadap pihak tidak bertanggungjawab berikutan tindakan menceroboh dan membakar tanah milik Kerajaan Negeri di Sungai Tenggi Selatan, dekat sini.

Pegawai Daerah Hulu Selangor, Nor Hisham Ahmad Dahlan berkata, tindakan itu mengakibatkan kemusnahan seluas hampir 15 hektar tanah termasuk rizab hutan.

"Tanah di kawasan itu diteroka secara haram sejak dahulu lagi. Berkemungkinan kebakaran yang berlaku sejak petang Khamis itu bukan akibat cuaca panas tetapi dibakar bagi memudahkan pihak tidak bertanggungjawab memusnahkan lebih banyak kawasan hutan," katanya ketika ditemui dalam lawatan kali ke dua ke lokasi kebakaran bersama jabatan dan agen-



NOR HISHAM

si berkaitan.

Menurutnya, suhu yang meningkat ditambah angin kencang selain faktor tanah gambut menyebabkan api merebak dengan cepat.

"Berdasarkan tinjauan kita pada hari ini (semalam) mendapati api memasuki kawasan rizab hutan di kawasan itu dan bagi mengekang api daripada terus merebak ke kawasan lain, kita mencadangkan Jabatan Pengairan dan Saliran (JPS) membina saliran pada



NOOR AZHAR

jarak bersesuaian.

"Melihat kepada keadaan di kawasan tersebut, berkemungkinan masalah ini akan berlarutan selama dua minggu sebelum api dapat dikawal sepenuhnya," katanya.

Sementara itu, Ketua Balai Bomba dan Penyelamat Kuala Kubu Bharu, Noor Azhar Tajudin berkata, seramai 30 anggota ditempatkan di kawasan itu sejak Khamis lalu bagi memadam dan mengawal kebakaran.



Keadaan kawasan tanah kerajaan yang terbakar dan musnah di Sungai Tenggi Selatan.

Menurutnya, dalam operasi itu, pihaknya turut dibantu Jabatan Pertahanan Awam Malaysia (JPAM) Daerah Hulu Selangor, Jabatan Perhutanan Negeri Selangor (JPNS) dan JPS.

"Kita akui berdepan seribit kesukaran dalam mengawal kebakaran memandangkan sumber air diperolehi hanya dari parit di kawasan berdekatan," katanya kepada *Sinar Harian*.

Difahamkan, pihak bomba dan penyelamat akan terus mengawal kawasan itu selama seminggu bagi memastikan api tidak merebak ke kawasan lain dan dapat dipadam sepenuhnya.